

忆当年看立体电影

文 / 冯济民

老里八早

辣交关人个印象里,3D电影院遍地开花是进入21世纪之后个事体。其实,现在大家常常讲个3D电影,阿拉当年叫伊立体电影。看立体电影已经是上世纪60年代个事体了。

20世纪60年代初,勒上海东湖路有座东湖电影院,迭是中国首座专门放映立体电影个电影院。记得当时放映两部影片。一部是风光片,好像叫《漓江游记》。一部是喜剧片,名字叫《魔术师奇遇》。

当时我读初中,看立体电影成了阿拉个一大享受。看立体电影搭看一般电影勿同个是,看个辰光要戴一副特制眼镜。戴上这种眼镜看电影,影片中个一切邪气逼真。汽车、火车会朝依身浪开过来。魔术师个水枪一开,水柱就朝观众面孔喷过来,观众会勿由自主个避让,然后发现虚惊

一场,交关有趣。

有趣个是,睄部《魔术师奇遇》勿到50分钟,电影放到一半还有“中场休息”。据说是因为看立体电影,眼睛比较吃力,中场休息能保护视力。当然,还有一个说法是,普通电影由两台放映机交替放映,一盘拷贝放完了,另一台接上,而立体电影采用两台放映机同时放,模拟左右眼个视野,放映员要在中场休息时换拷贝。

东湖电影院有一个相当漂亮个小花园,中场休息个辰光,观众可以到小花园里透透气。

时过境迁。当年东湖电影院所在个东湖路9号,现在造起了高高个东湖大厦。也勿晓得电影院是啥辰光拆脱个。当年迭搭曾连续放映了4年《魔术师奇遇》,成为名噪一时个上海文化打卡地,一票难求。

主演影片的陈强、韩非、程之、孙景璐等著名电影演员均已作古。当时个一切只是留勒阿拉睄代人脑海中间个记忆了。现在个年轻人对此已少有人知。

烤只金黄大闸蟹

文并图 / 沈一珠



子红、葡萄紫。晓得“苏州红”是啥哉?是苏州“水八仙”之一个水

灶披间

阴阳相半,寒暑平分;美食无限,秋意缤纷。

秋分已过,秋天个感觉越来越明显。记得有个叫董仲舒个,写过一本《春秋繁露》,里向写道:“秋分者,阴阳相半也,故昼夜均而寒暑平。”听得出来,伊是讲秋分前后,勿冷勿热,是一年当中头顶惬意个日脚。

勿过么,世事难料,2023年一大半辰光恰是雨水连绵,体感闷热,黏滋疙瘩。真心希望今年剩下来个日脚里,除脱沥沥淅淅,恰是晴朗搭仔舒爽。

还好,秋天里个色彩斑斓还看得见吃得着。譬方讲,昨日吃到一泡生普,名字老文艺:黑森林猫耳朵。看外形,条索紧实干脆,浓夏里个苍绿里,夹点仲秋前后个草木黄,开水滚滚冲下去,香得来,沁心沁肺。再比方讲,一篮头蔬果里,是香气袭人个南瓜黄、柿

红菱,甜甜脆脆可以生吃个。粉嘟嘟糯叽叽个“白富美”,是时鲜个鸡头米咯,搭碧绿个小豌豆清炒,看起来山青水绿。

多“食”之秋里顶好个一样物事,应该是迭段辰光新鲜上市个大闸蟹了。至于哪能烧法?除脱传统个清蒸酱烧,也可以试试新吃法,譬如,花雕大闸蟹,金黄金黄个,是秋天里个高光。

具体做法:大闸蟹两只,配葱、姜搭仔花雕酒2两左右。蟹洗净,沥干,放点姜片、花雕酒,盖紧,腌廿分钟,拎出来,用锡纸包好;烤箱200摄氏度预热,大闸蟹摆烤箱中层,上下火,烘烤20分钟左右关火,再利用余温焖两三分种,拿出来,调一份糖醋葱姜料,就可以吃了。

大闸蟹膏美黄肥,就是有点寒气,花雕酒温热,正好调匀一下,好吃勿伤身。

源出唐宋“关夜学”

文 / 叶世荪

沪语趣谈

读小学时,最容易让人破防的无外乎在学校被老师罚“立壁角”或“关夜学”。“立壁角”就是当着全班同学的面,罚站教室一隅面壁思过;而“关夜学”则是指放学后短暂地留在学校,接受额外的教训、补做作业或独自反省。如果说“立壁角”崩溃的是小学生在班里同学间的人设,那么“关夜学”则会把这种影响的范围扩大到家里、甚至邻里之间。

“隔壁小人今朝拨老师关夜学”曾经是弄堂里一件很男台的事情。

事实上,短暂留校一般是不会计延迟到和“夜”有涉的晚上的,不让你及时回家只是一种象征性的处罚。上海人所说的“关夜学”是源自对古代学规比较夸张的讹传。

隋唐创立科举制度

后,强化学校管理的一个重要内容,就是对学生放假作了具体规定。譬如每年五月的“田假”,就是农忙假;每年九月的“授衣假”,那是为了便于学生回家备置冬衣。此外,还有十天一次的“旬假”等。到了宋代,官家更加重视读书,制定了严格的学规,其中对违规者的一项处罚措施就是取消假期。这真的是深谙假期对学生重要程度的学校管理者贯通古今的共同认知!这项处罚当时就叫做“关暇”。宋代周密撰写的《癸辛杂识》中专列“学规”一节,云:“学规五等,轻者关暇几月,不许出人,此前廊所判也;重则前廊关暇,监中所行也。”“前廊”“监中”都是执掌学规的学官。

“暇”是空闲的意思,古代也通放假的“假”,“关暇”就是不让你有读书以外的悠闲时光,不再让你享受规定的休假;这和后来放学后不让你和其他同学一样即刻放飞,异曲同工,只是程度

上不甚相同。

在历史长河的冲刷、磨砺、积淀下,取消假期的“关暇”逐渐演变为今天上海人所说的“关夜学”。其间,“暇(xia)”和“夜(ya)”的读音在古代是可以相通的。东汉《老子想尔注》里的“邪(xia)”都写作“耶(ya)”;明代《发愿文》里则将“邪(xia)”写作“雅(ya)”;黄征《敦煌俗字典》注曰:“‘雅’为‘邪’之借字”;白居易《长恨歌》里有“承欢侍宴无闲暇,春从春游夜专夜”。王力注曰:“暇、夜押韵”。上海话里的程度副词“邪气(非常、很)”可以写作“野气”也是出于同样原因。而“关夜学”中的“学”则是衍生出的词缀,也有写作“关夜屋”的。

还是那句话,探寻源来并非为了改变现状;“关暇”既已变身“关夜学”,不妨顺其自然地让它关下去。偶尔揭开上海话中被尘封久远的历史故事,博同好者一乐,才是笔者的初衷。

我去菜场里买菜,路过肉摊头,碰着邻居老汤辣买带皮个夹心肉,凑上去问:“依打算回去做红烧肉吃啊?”伊回答:“包馄饨吃”。摊主称好份量,就热心帮伊去皮、切块,随口问老汤,皮啊要?老汤摆了摆手意思勿要了。我马上制止讲:“伊勿要就拨我好味。”老汤弄勿懂,讲:“以前我伊仵个。”摊主讲:“现在除非做带皮肉吃,切片、切丝、绞肉酱,啥人还会要睄种肉皮。我也是当下脚料处理个,看辣依是老顾客面浪。依要就再多送依几块。”从旁边拿出几块肉皮,统统放进绞好个肉酱袋里,交拨老汤。

回去路浪,我跟老汤讲肉皮个营养价值:伊个蛋白质含量邪气高,含有胶原蛋白,对皮肤健康交关有好处。尤其是阿拉睄种有点年纪个人,可以延缓皱纹出现,增加皮肤弹性。

听我讲得头头是道,老汤接口:“闲话有点道理,勿过么,哪能吃法呢?总不好单单烧碗肉皮吃哦?”我朝伊挤眉弄眼,要么今朝我露一手,做一只冻肉皮个冷盆让依尝尝看?老汤讲,今朝回去要包馄饨,蛮忙个,下趟再讲。我讲便将来兮,勿碍依事。依只要请我吃馄饨就好啦。

回到屋里向,我先拿肉皮用温水汰干净,等水烧开拿肉皮放锅里焯水去沫。再放多眼水煮。老汤边看我操作,边拌馄饨馅

料。十几分钟过去,水烧开了,我拿肉皮捞出来切成细条,再摆进锅里,告诉老汤放料酒、加盐、葱姜末,还有生抽。问伊屋里阿有蚝油,有个闲话也放一眼,最后加白糖,盖上锅盖开煤气中火煮。然后拍拍伊肩膀,讲:“走,一道去包馄饨。”

我一边包馄饨,一边又告诉伊,稍微吃点肉皮冻可以补充B族维生素,改善反应迟钝、记忆力下降之类个问题。当中辰光,我又去翻炒了两次,看到汤汁有点粘了就改用小火焖。

馄饨包得差勿多了,老汤准备下馄饨。我看锅里个肉皮已经完全酥烂,就关脱煤气。叫老汤拿出几只冰箱保鲜玻璃盒备用。

一歇歇馄饨可以出锅了,我也勿客气,搭仔老汤一道吃仔一顿馄饨。等锅里个肉皮温度下来了,就倒进玻璃保鲜盒里,放进冰箱冷冻。随后跟老汤讲,等结冻以后可放到冰箱个冷藏格里,吃晚饭辰光倒出来,切成片就可以吃了。欢喜清淡个,可以淋点柠檬汁;欢喜咸鲜个,可以蘸点酱油。

睄天夜饭辰光,老汤用微信发来一张照片,里向时饭桌浪个一盆肉皮冻,而且对伊个味道赞不绝口,还讲:“以后再去买肉,迭块肉皮再也勿放弃了。”

亲情勿比风景推板

文 / 钱红春

茄山河

前半生忙忙碌碌,退休以后,我搭仔老伴终于有了可以自由支配个时间,屋里个经济状况也勿错,所以经常出门旅游。好几年前,我同老伴跟旅行团到英国旅游。当时看过点啥个景点,已经勿大记得了,倒是发生辣旅行团里个故事仍旧记得清清楚楚。

旅行团里有一对小夫妻,两家头恰是三十几岁。有一趟等车子个辰光,阿拉两对夫妻档攀谈起来。小夫妻里个老公小李讲:“看到两位老人,就会想到自家姆妈。”据伊讲,伊姆妈老早曾经上山下乡,阿爸过世得早,姆妈一家头拿伊培养成人。伊姆妈除脱插队落户个地方,既没去过其他地方,更加勤讲出国了。伊姆妈本来想带姆妈一道出来旅游,但姆妈要照顾八十多岁个老外婆,坚决勿肯出来。伊讲个辰光,眼睛里充满对阿拉两家头个羡慕。我劝伊讲:“依姆妈真勿容易,趁伊现在身体好,多带伊出去走走看看。”伊连连点头。后来伊为姆妈挑选了一双皮鞋搭仔一条羊绒围巾。我感叹:“多亏依还记得依姆妈鞋子个尺码。”

旅行团里年纪最大个是一位张阿婆,已经七八岁了。一开始伊勿大同别人搭讪,好像有啥心事。有趟同伊辣一张台子浪吃饭,边吃边讲,才晓得伊八十多岁个老伴,因为生毛病已经困辣床床侍。睄趟是小人主动提出帮忙照顾老人,逼伊出来旅游散心,伊老伴也交关支持。啥人晓得伊刚下飞机,老伴就打电话问伊:“依勿

管我啦?”弄得伊心神勿定。我老伴笑笑讲:“依看依跑开一歇歇,老伴就想依了。”伊听了有点勿好意思。“啥年纪了,还像小囡一样。”听上去像埋怨,其实伊心里蛮开心个。张阿婆一路浪拍仔交关照片,按伊个讲法:老头子既没一道来,就多拍点照片让伊看看。

四十出头个许女士是同女儿一道参加旅行团个。辣飞机浪同阿拉夫妻俩坐辣同一排,一来二去,互相熟悉以后,伊告诉我,睄趟到英国旅游,一是伊从来既没出国,想开开眼界;二是女儿期末考试成绩勿错,旅游算是奖励;三是女儿就要高中毕业了,有出国留学个想法,睄趟旅游途中打算参观几个著名个大学,实地考察一番。“只要条件允许,小人个正当要求,做爷娘个哪能会勿支持呢?”我接过话头,对伊女儿讲:“依看看,依姆妈多少关心依,一定要更加努力喔。”

赵阿婆原来是中学老师,老伴已经过世。出发前,媳妇塞拨伊二千英镑路浪零用。但看看去,伊啥物事勿买。就连受到中国游客欢喜个当地特产——羊绒围巾、黄油饼干之类,伊亦勿舍得掏腰包。啥人晓得到了比斯特购物村,伊买了名牌风衣搭仔拎包,是阿拉旅行团里花费最多个。原来,媳妇对伊交关好,平常嘘寒问暖,伊老早就想买点东西送媳妇了。出发前,伊特地到商场里打过样,同样牌子搭仔款式,比斯特购物村个价钿便宜勿少。“媳妇平常待我勿错,拨伊买点也是应该个,再讲睄点钞票本来就是伊个。”大家听了伙对伊翘大拇指。